

मार्निंग डोगरी न्यूज़ बुलेटिन, समें. 09.20 Hrs

<><><><><><>

### Headlines

1. सरकारै 5 किलोग्राम एलपीजी सलेंडरें दी बिक्री च बाद्दा कीता ते यकीन दोआया ऐ जे मुख्यै च ईधन दा कोई त्रोड़ा नेई ऐ।
2. जम्मू-कश्मीर च सेहत सेवाएं गी होर निग्गर बनांदे होई श्रीनगर दे हड्डिएं-जोड़ें सरबंधी अस्पतालै लेई सरकारै 64 नर्मी असामियां कड्डियां न।
3. मंत्री जावेद राणा होरें राजौरी दे बसाली गांस च जनसभा च लोकें दिएं दिक्कतें-शकैतें गी सुनेआ ते सरहदी इलाके दिएं मंगें गी पैहल दी बिनाह पर पूरा करने दा जकीन दोआया।
4. जम्मू-कश्मीर थमां भारती पैरा तीरंदाज शीतल देवी नै बैंकाक च आयोजित विश्व तीरंदाजी पैरा श्रृंखला च 2 सुन्ने ते 1 चांदी दा तगमा हासिल कीता ऐ।
5. जम्मू-कश्मीर च ताजा बर्फबारी ते बरखा दे बाद मौसम सुहामा, सैलानिएं दी गिनतरी च बाद्दा।

<><><><><><>

### Govt. LPG Cylinders

सरकार नै 5 किलोग्राम दे एलपीजी सलेंडर दी बिक्री बधाई दिती ऐ। वैध पंछान पत्र दस्सने पर एलपीजी दी बंड आहले काउंटर पर एह सलेंडर उपलब्ध होडन। पेट्रोलियम ते कुदरती गैस मंत्रालय नै दस्सेआ ऐ जे बधदी मंग पूरी करने लेई आपूर्ति बधाने दे बाद 23 मार्च िमां 5

किलो दे तकरीबन 6 लकख 60 जहार सलेंडरें दी बिक्री होई ऐ। इनें सलेंडरें दी कीमत बजारी दर पर रक्खी गई ऐ ते इंदी खरीद लेई रिहायश सरबन्धी प्रमाण दी जरूरत नेई ऐ। मंत्रालय नै दस्सेआ ऐ जे एलपीजी दी बंड आले केंद्र पर इनें सलेंडरें दी कमी दी खबर नेई ऐ। 4 अप्रैल गी 51 लकख शा मते घरेलू सलेंडरें दी आपूर्ति कीती गई ऐ ते कुल मग दे 95 फीसद दी आनलाइन बुकिंग होई।

<><><><><><>

### Itoo-Hospital Post

जम्मू-कश्मीर च माहिराना सेहत दिक्खभाल गी बढ़ावा दिंदे होई सेहत ते मेडिकल शिक्षा मंत्री सकीना इत्तू होरें श्रीनगर आहले हड्डिएं ते जोड़ें दे अस्पतालै च 64 नमियां असामियां कड्डने दी घोशणा कीती ऐ। खजाना मैहकमे ते मंत्री परिषद आसेआ मंजूर कीती गेदिएं इनें असामिएं च सर्जरी, आर्थोपेडिक्स, मेडिसन, रेडियोलॉजी ते माइक्रोबायोलॉजी च सीनियर रेजिडेंट दे अलावा रेजिडेंट, सी.एम.ओ, नर्सा, टेकनीशियन, प्रशासकि ते सहायक अमले दियां पोस्टां बी शामिल न। इस फैसले कन्नै नमें बनाए गेदे अस्पताल च कम्मकाज बेहतर ते बवस्था आहले ढंगै सिर होई सकोग जेहदे नै अस्पताल अपनी पूरी समर्थ कन्नै कम्म करी सकोग। नमिएं असामिएं दी मंजूरी कन्नै हुन मरीजें गी बेहतर ते मयारी सेहत सुविधां हासल होई सकडन।

<><><><><><>

### Rana-Public Outreach

जल शक्ति मंत्री जावेद राणा होरें जंदे रोज राजौरी जिले दे डूंगी ब्लॉक दे बसली गांs च आम लोकें तगर पुज्ज बनाने आहले इक कार्यक्रम दी अध्यक्षता कीती। इस कार्यक्रम दा मकसद

सरहदी इलाके च जमीनी सतह पर समस्याएं गी जानना ते उंदा नबेड़ा करना हा। मकामी बसनीके बंकरें दी मंग, पानी दी कमी, शिड़क संपर्क, सेहत ते शिक्षा सुविधाएं सने होरनें केई मुद्दे गी पुट्टेआ। मंत्री जावेद राणा होरें जायज शकैतें दा समेंसिर नबेड़ा करने दा भरोसा दोआया ते समावेशी विकास पर जोर दिता। उनें अधिकारिएं गी निर्देश दिते जे ओह बागवानी ते पशुधन सैक्टर गी बढ़ावा देने लेई इलाके सरबंधी योजना तैयार करन ते कन्नै गै लोके गी गुजारिश कीती जे ओह पूरे-पराते विकास लेई सरकार दिएं कल्याणकारी योजनाएं दा लाह लैन।

<><><><><><>

### Beekeeping-Ramban

राश्ट्री मधुमक्खी पालन ते मखीर मिशन दे तैहत राईबाई मैहकमा रामबन मुकामी करसानें गी मधुमक्खी डब्बे ते मखीर कड्डने आहले उपकरणें लेई 40 शा 80 फीसद तगर दी सब्सिडी देआ करदी ऐ। मैहकमा वैज्ञानिक मधुमक्खी पालन गी बढ़ावा देने आस्तै लाजमी प्रशिक्षण कार्यक्रम, तकनीकी मार्गदर्शन ते विपणन सहायता बी प्रदान करदा ऐ। सब्सिडी च मधुमक्खियें दे डब्बे पर 40 फीसद तगर दी सब्सिडी शामिल ऐ, जेहदे च 2 जहार रपे फही डब्बे दी सीमा शामिल ऐ। मधुमक्खी पालन प्रबंधन, रोग नियंत्रण ते मधुमक्खी पालन दी आधुनिक तकनीके पर नियमित सिखलाई सत्र आयोजित कीते जंदे न, जेहदे कन्नै करसानें गी उत्पादकता बधाने ते बधदे मखीर उद्योग तगर पुज्ज बनाने च मदद मिलदी ऐ। इस बारे अपने अनुभवे गी स्हाढ़े संवाददाता कन्नै सांझे करदे होई इक लाभर्थी संजय सिंह होरें आखेआ  
.....बाईट.....

<><><><><><>

## Prog. Announcement

आकाशवाणी जम्मू दा क्षेत्रीय समाचार एकांश विश्व सेहत दिवस 2026 दे सिलसिले च कल यानि 7 अप्रैल दिनें 12 बजे 25एं मिंटे दी इक विशेष परिचर्चा प्रसारित करोग जेहदा विशे होग, together for health, stand with science यानि के सेहत लेई इकजुट विज्ञान कन्ने खड़ोना। इस विशेष प्रसारण च स्हाड़ियां परौहिनियां होडन Dictation ते Nutrition expert Dr. Mitali Gupta जेहिड़ियां इस विशे पर अपने माहिराना बचार श्रोताएं कन्ने सांझे करडन। कार्जक्रम दी मेजबानी स्हाड़े समाचार वाचक जगमोहन शर्मा होर करडन। .....(Teaser)

<><><><><><>

ते हुन बाकि दिएं खबरें कन्ने जगमोहन शर्मा।

### Sheetal-Medals

जम्मू-कश्मीर दे किश्तवाड़ जिले दी बसनीक ते दुनिया भरै च नांs कमाने आहली भारती पैरा तीरंदाज शीतल देवी नै बैंकाक च आयोजित विश्व तीरंदाजी पैरा श्रृंखला च शानदार प्रदर्शन कीता ऐ। शीतल देवी नै मिक्स्ट ते डबल्स मकाबलें च सुन्ने दा ते व्यक्तिगत श्रेणी च चांदी दा तगमा हासल कीता ऐ। शीतल देवी दा शानदार प्रदर्शन ना छड़ा भारत दी पैरा तीरंदाजी च बधदी ताकत दा प्रतीक ऐ सगुआं केई होरनें एथलीटें लेई प्रेरणा दा इक निग्गर स्रोत ऐ। शीतल देवी दियां उपलब्धियां दिव्यांग लोकें लेई खेड्डें गी बढ़ावा देने दी देश दी प्रतिबद्धता गी बी दर्शादियां न ते कन्ने सबनें गी एह संदेश बी दिंदियां न जे प्रतिभा ते निष्ठा दी बिनाह पर कोई बी दुनिया भरै च अपना नांs करी सकदा ऐ।

<><><><><><>

### YSS-JKSC Cricket

समूलचे जम्मू-कश्मीर च नौजवान प्रतिभा ते खेड संस्कृति गी बढावा देने दे मकसद कन्नै युवा सेवाएं ते खेड्ठे सरबन्धी मैहकमे ते जम्मू-कश्मीर खेड परिषद आसेआ करोआई गेदी YSS-JKSC क्रिकेट लीग दा समापन कल जम्मू दे एम.ए स्टेडियम च इक शानदार आयोजन कन्नै होआ। खताबी मकाबले च जम्मू टाइगर्स टीम नै जम्मू पैँथर्स गी 10 विकटें कन्नै हराइयै खताब अपने नांs कीता। जित्त लेई लोडचदे छडे 100 रन दे लक्ष्य गी जम्मू टाइगर्स नै 10 ओवर ते 1 गेंद खेडियै ते छड्भ् इक विकट मोहाइयै हासल करी लैता। इस टूर्नामेंट नै जम्मू-कश्मीर दे केई नौजवानें ते प्रतिभाशाली खडारिएं गी अपनी समर्थ दा प्रदर्शन करने दा मौका दिता ऐ। जेत्तू टीम दे खडारिएं अपने शानदार प्रदर्शन दे बाद अपने विचार ते भावनां सांझियां करदे होई आखेआ  
.....बाईट.....

<><><><><><>

### Tourist-Football

जम्मू-कश्मीर च ताजा बर्फबारी ते बरखा दे बाद जित्थे मौसम इक बारी परतियै मता सुहामा होई गेदा ऐ, उत्थै गै सैलानिएं दी गिनतरी च बी शैल बाद्दा दिक्खने गी लब्बै करदा ऐ। कश्मीर घाटी च डल झील, मुगल गार्डन ते होरनें सैलानी थाहें पर सैलानिएं दी आमद चानचक्क बधी गेई ऐ। मकामी कारोबारी ते बपारी जिंदे च होटलें-ढाबें आहले, गड्डिएं-ट्रांसपोर्ट आहले, दुकानदार, शिकारें आहले सब्बै मते खुश न कीजे सैलानिएं दे औने कन्नै उंदा

कम्मकाज जेहड़ा बल्ले-बल्ले मट्ठा पौन लग्गा हा, हून परतियै तेजी फगड़न लगी पेआ।  
प्रशासन नै सैलानिएं गी एह सलाह बी जारी कीती ऐ जे घुम्मने जाने लेई ओह सुरक्षा सरबंधी  
दिशा-निर्देशों दी पूरी संजीदगी कन्ने पालमा करन।

<><><><><><>

#### Weather

मौसम विभाग नै 10 अप्रैल तगर जम्मू-कश्मीर च मौसम गड़बड़ी आहला बने दे रौहने दी  
पेशगोई कीती ऐ। केई सारे इलाकें च हल्की थमां दरम्याने दर्जे दी बरखा ते बर्फबारी होने, ऐन  
पौने ते अंधी झक्खड़ चलने दी संभावना जाहिर कीती ऐ। 7 थमां 9 अप्रैल तगर केई सारी  
थाहरें पर बरखा ते बर्फबारी होई सकदी ऐ। करसाने ते आम लोकें गी आखेआ गेआ ऐ जे ओह  
पूरी एहतियात बरतन ते मौसम सरबंधी परामर्श गी दिखदे रौहन। इस बारै होर मती जानकारी  
दिंदे होई मैहकमे दे इक अधिकारी नै आखेआ .....बाईट.....

<><><><><><>